

## STUDENTI GRAĐEVINSKOG FAKULTETA U SARAJEVU POSTIGLI HISTORIJSKI USPJEH NA 45. GRAĐEVINIJADI

Studenti Građevinskog fakulteta Univerziteta u Sarajevu osvojili su prvo mjesto na 45. Građevinijadi, prvi put u historiji održavanja ove manifestacije. Naime, **ovaj uspjeh je značajan iz razloga što je ovo prvi put da jedan fakultet sa Univerziteta u Sarajevu, ali i iz BiH općenito osvoji prvo mjesto na manifestacijama sličnog karaktera, koje su popularno nazvane „jadama“ i koje okupljaju studente istih ili srodnih zvanja.**



Slika 1. Ekipe Građevinskog fakulteta u Sarajevu na Građevinijadi 2018.

Građevinijada je manifestacija koja jednom godišnje okuplja studente Građevinskih fakulteta iz zemalja bivše Jugoslavije: Bosna i Hercegovina, Srbija, Hrvatska, Crna Gora, Slovenija i Makedonija, a povremeno učešće uzme i nekoliko fakulteta iz drugih zemalja kao što su: Rumunija, Bugarska, Njemačka.


Na samoj manifestaciji učešće svake godine uzme 1000-1500 studenata. Ovogodišnji organizator Građevinijade bila je Asocijacija studenata Građevinskog fakulteta u Beogradu, a ista je održana na Crnom moru u Sunčevom Bregu, Bugarska. Ova manifestacija baštini višedecenijku tradiciju, a ove godine je po redu bila 45. Građevinijada.

Prošlogodišnji organizator ove manifestacije koja je održana u Budvi, bila je upravo Asocijacija studenata Građevinskog fakulteta u Sarajevu (SAGF) bila organizator, gdje su studenti ovog fakulteta pored svog talenta u znanju i sportu, pokazali i odlične organizacijske sposobnosti. Na ovogodišnjoj Građevinijadi 2018 GFSA je osvojio čak 16 medalja (od ukupno 21) **čime je postavio rekord na ovom takmičenju.** Devet je bilo prvih mjesta, 4 druga i 3 treća mjesta. U

kvizu znanja smo osvojili medalje iz svih 11 predmeta od čega je čak 8 bilo zlatnih. U sportskom dijelu takmičenja osvojili su 5 medalja (od ukupno 10), od čega je jedno 1. mjesto, 2 druga mjesta te dva 3. mjesta.

## REZULTATI - ZNANJE

### GRAĐEVINIJADA 2018 - SUNNY BEACH BULGARIA



	Betonske konstrukcije	Hidrotehnika	Meh. tla i fundiranje	Menadž. i Organizacija	Metalne konstrukcije	Saobraćajnice	Statika	Inženjerska geodezija	Račun izravnanja	Satelitska geodezija	Tehnike geod. mjerenja
Građevinski fakultet Sarajevo	1.	1.	1.	3.	1.	1.	1.	1.	1.	2.	2.
Tehnički fakultet Bihać											
Politehnički fakultet Zenica	5.	5.	6.	7.	8.	3.	8.				
Građevinski fakultet Sveučilište Mostar	7.	2.	6.	7.	6.	4.	6.				
Rudarsko Geološko Građevinski Fakultet Tuzla						3.					
Građevinski fakultet Maribor											
Građevinski fakultet Ljubljana	8.		3.				6.				
Građevinski fakultet Zagreb	3.	1.	4.	5.	4.	1.	4.				
Građevinski fakultet Rijeka	7.	4.		8.	8.	6.	6.				
Građevinski fakultet Osijek	6.	3.		3.	4.	2.	4.				
Građevinski fakultet Split	6.		5.	8.	5.	6.	5.				
Građevinsko-arhitektonski fakultet Niš			4.	5.	4.	4.	7.				
Građevinski fakultet Beograd	2.	1.	2.	6.	2.	1.	3.	1.	1.	4.	1.
Građevinski fakultet Novi Sad	2.	1.	2.	4.	5.	2.	2.	2.	1.	1.	3.
Građevinski fakultet Subotica	5.		4.		7.	3.	4.				
Fakultet za Mašinstvo i Građevinarstvo Kraljevo						7.	2.				
Građevinski fakultet Novi Pazar	2.	1.	7.	6.	3.	5.	5.				
Građevinski fakultet Kosovska Mitrovica				1.	7.						
Građevinski fakultet Podgorica	4.		2.								
Građevinski fakultet Skoplje	2.		3.	2.	4.		7.	1.	2.	3.	4.

Slika 2. Rezultati takmičenja iz znanja u oblastima građevinarstva i geodezije.

Ipak, uz ozbiljan rad naših studenata i kvalitetan nastavni kadar, pokazali smo da se u Sarajevu kvalitetno izučava građevinarstvo i geodezija, te da su naši sportisti konkurentni sa najboljim sportistima iz regiona. Naši studenti su na putu do ovog rezultata imali iza leđa podršku Asocijacije studenata Građevinskog fakulteta (SAGF), koja u posljednje 3 godine ozbiljnije pristupa ovoj manifestaciji te se trudi da obezbijedi sale i terene kako bi se naši sportisti mogli kvalitetno pripremati za ovo takmičenje, sportsku opremu te odabere najkvalitetnije sportiste.

Važno je napomenuti da studenti Građevinskog fakultet u Sarajevu ne bi učestvovali na ovom događaju, da nema vrijednih sponzora i donatora. Naime, sponzori i donatori prepoznaju važnost ovakvog projekta i pokazuju spremnost za poticanje mladih u njihovim projektima, te daju svojevrsnu podršku Visokom obrazovanju, ali i daju svoj doprinos promovisanju u prvom redu Univerziteta u Sarajevu, a zatim i države općenito. Dakle, sve ovo ne bi bilo moguće bez finansijske podrške u prvom redu uprave našeg fakulteta na čelu s dekanom prof.dr. Mustafom

Hrasnicom, a zatim sponzora koji su prepoznali značaj ove manifestacije i podržali nas. Generalni sponzor ovo godine nam je Kanton Sarajevo, ali isto tako bez brojnih drugih sponzora i donatora ne bismo uspjeli da ostvarimo zacrtani cilj.



Slika 3. Predstavnici Asocijacije studenata Građevinskog fakulteta u Sarajevu sa priznanjima osvojenim na Građevinijadi 2018.

*Mirnes Ćustović*